



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VII. Idipsum statuit Carolus VII. Et Concilium Basileense. Appellationes
tamen reservantru sedi apostolicæ.

urn:nbn:de:hbz:466:1-15617

Etum anni M C D VI. executioni mandandum esse. quam sententiam Princeps amplexus est. Ejus tamen executio retardata est arte quorundam è Consilio regio, ob privatam suam utilitatem. Interim Constantiense Concilium generale convocatum est: quò Clerus Gallicanus Parisiis jussu regio congregatus anno M C D X I V. legatos five deputatos misit, quibus inter cetera mandatum est ut à Concilio pterent confirmationem deliberationum Ecclesiae Gallicane circa provisiones Beneficiorum. Sed quantumvis id urgerent deputati, nihil obtinere potuerunt à Concilio; quod negotij hujus discussionem decrevit non attingere, nisi post electionem Papæ, ut constat ex Sessione quadragesima. Martinus verò V. in Concilio electus silentio transmisit negotium Ecclesiae Gallicane. Igitur anno M C C C X V I I. mense Novembri congregati jussu regio Episcopi, Gentes Consilii Regis, & Curia Parlamenti, decreverunt ut edictum anni millesimi quadrungentesimi sexti circa provisionem Beneficiorum, executioni mandaretur.

VI. Deliberationem hanc secutum est aliud edictum regium publicatum die XIII. Aprilis M C D X V I I I. quod magni momenti est. Decretum quippe non est pendente schismate quo Ecclesia laborabat, sed post depositionem trium contendentium de pontificatu, & post electionem Martini quinti. Præterea nihil illuc decernitur per provisionem, ut vocant, id est, donec Concilium generale celebretur; sed lex regia fertur quæ prorsùs observari debeat, lata postquam Concilium Constantiense & Summus Pontifex jus reddere recusarunt Ecclesiae Gallicanæ. Nam in diplomate regio continetur, Regem frequentibus omnium ordinum regni conquestionibus coactum esse ut fusciperet curam conservandam Libertatum Ecclesiae, atque ob hanc causam, imperandi executionem eorum quæ decreta fuerant anno millesimo quadrungentesimo sexto, quam retardaverat ob spem quam conceperat futurum ut Concilia Pilanum & Constantiense finem tandem aliquem adferrent tot ingentibus malis; præsertim cùm nonnulli Archiepiscopi & Episcopi facilè adducin non posset ut electiones confirmarent quæ consequenter post edita illa celebrarentur. Itaque jubet ut Ecclesiae & personæ ecclesiastice hujus regni restituantur in perpetuum suis antiquis franchisiis & libertatibus. Tum, ut Ecclesiis cathedralibus & collegialibus ac Beneficiis electivis secularibus & regularibus provideatur per electiones Capitularum, Conventuum, & Col-

legiorum, sive per postulationes canonice factas, cum confirmatione superiorum. Aliis verò Beneficiis, quibus per electionem provideri non confueverat, provideri mandat per presentationes, collationes, & institutiones Ordinariorum, secundum antiqua jura communia Conciliaque generalia; nonobstantibus quibuslibet Reservationibus, Gratiis expectativis, & contrariai quibuscumque. Hujus autem editi executionem imperat Curia Parlamenti aliisque Officiariis.

VII. Edicta illa confirmavit Carolus VII. statim atque in folio regali sublimatus est, diplomate dato anno M C D X X I I. quo jubet ut electiones & alia Beneficiorum provisiones fiant secundum jus commune & antiquum. Interim Concilium Basileense celebratum est, in quo veritate sunt omnes Beneficiorum reservationes generales & speciales quæ deinceps à Summis Pontificibus fieri possent, electionesque restituuntur. Duobus id decretis sanctum; quorum unum factum est anno M C D X X X I I I. die X I I I. Iulij, aliud verò anno M C D X X X V I. mense Martio. His igitur decretis electiones restituuntur, & confirmationes ad jus commune revocantur; id est, statuit ut Episcopus confirmet eos qui sibi subjecti sunt, Archiepiscopus Episcopos, & Summus Pontifex Archiepiscopum, sive per viam confirmationis, sive mittendo Pallium, & ut insuper Episcopi & Abbates exempti ab eo confirmentur. quod ita statuitur, ut nullum per hoc præjudicium generetur appellationibus ad apostolicam sedem à judicis confirmationis per Ordinarios latissimam, quas Romæ agitari placuit. Iam cùm editis regis abolita sint reservationes, decreto quoque Concilij Basileensis abolentur; exceptis tamen iis quæ sunt in corpore Iuris clause, id est, cùm electores secundum sententiam Summi Pontificis privantur jure suffragij, ob hoc quod indignum elegerint, vel cum Beneficia vacant in Curia Romana, aut quando agitur de translatione Episcopi. Præterea, in eo decreto excipiuntur terræ patrimonij Ecclesiae, quarum provisionem Pontifex, si ita ei videbitur, sibi reservare poterit. Extat etiam aliud ejusdem Concilij decretum, quo Gratiae expectativa prohibentur quod Beneficia non electiva, quò liberè & canonice fiat collatio ab Ordinariis, servatis tantum Summo Pontifici Mandatis apostolicis pro uno Beneficio, si Collatores habeant jus disponendi de decem Beneficiis; si verò triginta pertinerent ad eorum collationem, duo Papæ reservarentur.

VIII. Ecclesia Gallicana Avarici Biturigum congregata jussu Caroli VII. anno

C c iiij

Num. 17. d. 17.

Concil. Basili.
ed. 21. & 23.